



**XUNTA
DE GALICIA**



**FUNDACIÓN
DO FÚTBOL GALEGO**

PROTOCOLO DE COLABORACIÓN ENTRE A CONSELLERÍA DE CULTURA, EDUCACIÓN E ORDENACIÓN UNIVERSITARIA DA XUNTA DE GALICIA E A FUNDACIÓN DO FÚTBOL GALEGO PARA A PROMOCIÓN DOS VALORES DA EDUCACIÓN INCLUSIVA, A CONVIVENCIA E A IGUALDADE A TRAVÉS DAS ACTIVIDADES DEPORTIVAS.

En Santiago de Compostela, a 18 de abril de dous mil dezaioito


REUNIDOS

Dunha parte, don **Román Rodríguez González**, conselleiro de Cultura, Educación e Ordenación Universitaria da Xunta de Galicia, segundo o disposto no Decreto 148/2016, do 13 de novembro, polo que se nomea conselleiro de Cultura, Educación e Ordenación Universitaria a Román Rodríguez González, de conformidade coas atribucións conferidas no artigo 34.1 da Lei 1/1983, do 22 de febreiro, de normas reguladoras da Xunta e do seu presidente, modificada pola Lei 11/1988, de 20 de outubro, de reforma da Lei 1/1983, do 22 de febreiro, reguladora da Xunta e do seu presidente, e no Decreto 146/2016, do 13 de novembro, polo que se establece a estrutura orgánica da Xunta de Galicia.

Da outra, **Rafael Louzán Abal**, con DNI: 35.451.643 H, presidente da Fundación do Fútbol Galego, con CIF G70530530, e domicilio social na rúa Juan de Ciorraga nº 3 e 5, 15008 A Coruña, inscrita no Rexistro de Fundacións de Interese Galego (*Doga 224, venres 24 de novembro de 2017*).

EXPOÑEN

1. Que a Consellería de Cultura, Educación e Ordenación Universitaria é o departamento da Xunta de Galicia ao que lle corresponden as competencias e funcións en materia de planificación, regulación e administración do ensino regrado en toda a súa extensión, niveis, graos, modalidades e especialidades, tal e como establece o Decreto 4/2013, do 10 de xaneiro, polo que se establece a estrutura orgánica da Consellería de Cultura, Educación e Ordenación Universitaria, así como o que se dispón no Decreto 129/2015, do 8 de outubro, polo que se fixa a estrutura orgánica das Consellerías da Xunta de Galicia.
2. Que a Lei orgánica 2/2006, de 3 de maio, de educación, na redacción dada ao seu título II pola Lei orgánica 8/2013, de 9 de decembro, para a mellora da calidade educativa, recoñece "que as administracións educativas disporán os medios necesarios para que todo o alumnado alcance o máximo desenvolvemento persoal, intelectual, social e emocional", e, para iso, deberán asegurar os recursos necesarios para que o alumnado que requira unha atención educativa diferente á ordinaria poida acadar o máximo desenvolvemento posible das súas capacidades.
3. Que o Decreto 105/2014, do 4 de setembro, polo que se establece





**XUNTA
DE GALICIA**



**FUNDACIÓN
DO FÚTBOL GALEGO**

educación primaria na Comunidade Autónoma de Galicia, e o Decreto 86/2015, do 25 de xuño, polo que se establece o currículo da educación secundaria obrigatoria e do bacharelato na Comunidade Autónoma de Galicia, dispoñen que os centros docentes deben promover estilos de vida saudables, "... con medidas específicas dentro do seu proxecto educativo, de xeito que se promova a práctica diaria de deporte e exercicio físico por parte dos alumnos e das alumnas durante a xornada escolar, en relación coa promoción dunha vida activa, saudable e autónoma" (artigo 20 do Decreto 105/2014), e "... medidas para que a actividade física e a dieta equilibrada formen parte do comportamento xuvenil, ... de xeito que se promova a práctica diaria de deporte e exercicio físico por parte dos alumnos e das alumnas durante a xornada escolar, en relación coa promoción dunha vida activa, saudable e autónoma" (artigo 40 do Decreto 86/2015).


4. Que o Decreto 229/2011, do 7 de decembro, polo que se regula a atención á diversidade do alumnado dos centros docentes da Comunidade Autónoma de Galicia nos que se imparten as ensinanzas establecidas na Lei orgánica 2/2006, do 3 de maio, de educación, dispón que "a Consellería con competencias en materia de educación promoverá a colaboración entre as distintas administracións, entidades, asociacións e outras organizacións sen ánimo de lucro e con atribucións na prevención, detección temperá e intervención educativa co alumnado, establecendo protocolos comúns de actuación e favorecendo o intercambio de información e a difusión de boas prácticas".

5. Que a Fundación do Fútbol Galego, é unha entidade sen ánimo de lucro que ten como obxecto e finalidade permanente:

- O achegamento e promoción do deporte, en especial do fútbol nas súas diferentes especialidades e modalidades, á sociedade galega en xeral.
- Difundir e expandir na Comunidade Autónoma de Galicia os valores inherentes á práctica deportiva e facilitar o acceso de nenos e nenas ao mesmo, procurando que a práctica do deporte vaia unida á formación integral da persoa.
- Potenciar a incorporación de persoas con diversidade funcional ao mundo do fútbol.
- Potenciar a formación dos profesionais do fútbol galego.
- A axuda a xogadores, adestradores e árbitros de fútbol en risco de exclusión social.

6. O deporte en xeral, e o fútbol en particular, ten transcendido da esfera deportiva e se ten convertido nun fenómeno que se caracteriza pola súa capacidade para xerar interaccións con outras esferas sociais, económicas e culturais, ás cales condiciona e, as veces, chega a modificar.

O sistema educativo ten como misión lograr o máximo desenvolvemento das alumnas e alumnos en todas as súas dimensións. Este reto, nun mundo en permanente cambio, precisa buscar sinerxias con todos os actores relevantes das comunidades, neste sentido a colaboración co mundo do deporte pode aportar referentes inspiradores para o desenvolvemento educativo.





**XUNTA
DE GALICIA**



**FUNDACIÓN
DO FÚTBOL GALEGO**

Ademais dos coñecementos e as competencias necesarias para a vida, o sistema educativo traballa a consolidación de valores que fan posible o desenvolvemento equilibrado de todas as persoas.

Neste campo as achegas dos clubs deportivos pode resultar moi relevante. Tradicionalmente o deporte está asociado como un medio axeitado para a construción e transmisión de competencias e de valores que son fundamentais para o crecemento individual e colectivo: afán de superación, inclusión, respecto polas persoas, tolerancia, cumprimento das normas, perseveranza, traballo en equipo, colaboración, superación, autodisciplina, responsabilidade, cooperación, solidariedade, empatía, honestidade, lealdade, compañeirismo, compromiso...

En atención a estas consideracións, as dúas institucións teñen a vontade de sumar os esforzos que realizan no campo da actividade física, do deporte e na promoción de hábitos de vida saudables.

En consecuencia, a Consellería de Cultura, Educación e Ordenación Universitaria e a Fundación do Fútbol Galego, acordan subscribir este protocolo de colaboración conforme as seguintes

CLÁUSULAS

Primeira. Obxecto do protocolo

O protocolo ten por obxecto establecer un marco de colaboración entre a Consellería de Cultura, Educación e Ordenación Universitaria e a Fundación do Fútbol Galego en base a accións e actividades dirixidas a **promover a inclusión, a convivencia e a igualdade no marco da práctica das actividades deportivas**, así como os valores de **solidariedade, tolerancia, respecto e amizade entre o alumnado dos centros docentes galegos**.

Segunda. Persoas beneficiarias

As persoas beneficiarias das medidas previstas neste protocolo son directamente o alumnado de todas as etapas e niveis regulados pola Lei orgánica 2/2006, do 3 de maio, de Educación, escolarizado nos centros docentes dependentes da Consellería de Cultura, Educación e Ordenación Universitaria, así como o profesorado, o persoal dos servizos complementarios, os/as orientadores/as, e as familias ou os representantes legais dese alumnado.

Terceira. Compromisos das partes

1. Tanto a Consellería de Cultura, Educación e Ordenación Universitaria como a Fundación do Fútbol Galego buscarán, conxuntamente, impulsar iniciativas, accións e proxectos que promovan boas prácticas na actividade deportiva e valores positivos entre o alumnado dos centros docentes galegos e os deportistas dos clubs da Real Federación Galega de Fútbol nos campos da inclusión, a convivencia e a igualdade entre homes e mulleres.



**REAL FEDERACIÓN
GALEGA DE FÚTBOL**
Delegación de Santiago
CIF: G15055890
www.futgales



**XUNTA
DE GALICIA**



**FUNDACIÓN
DO FÚTBOL GALEGO**

2. A Consellería de Cultura, Educación e Ordenación Universitaria e a Fundación do Fútbol Galego impulsarán no presente curso escolar unha **Xornada de convivencia deportiva / fútbol inclusivo** na que participen nais e pais, alumnado dos centros docentes, futbolistas, árbitros e docentes, desenvolvendo na mesma diferentes actividades como “mundialiño” entre varios equipos, seminarios sobre boas prácticas no deporte e actividades encamiñadas á promoción de valores positivos no deporte.

3. A Consellería de Cultura, Educación e Ordenación Universitaria e a Fundación do Fútbol Galego favorecerán a participación no programa “**eduMOTIVAcon**” de figuras sobresaíntes do fútbol, como árbitros, futbolistas e adestradores, para, así, fomentar no alumnado valores como a motivación, a convivencia, a inclusión, o esforzo, a curiosidade, o pensamento crítico e o traballo en equipo.

4. A Consellería de Cultura, Educación e Ordenación Universitaria e a Fundación do Fútbol Galego promoverán en cada curso escolar unha **competición de fútbol inclusivo** entre diferentes equipos de participación voluntaria, promovendo a participación nestes equipos de nenos e nenas con diversidade funcional.

5. A Consellería de Cultura, Educación e Ordenación Universitaria difundirá nos centros educativos e nas ANPAs a posibilidade de realizar unha actividade extraescolar sobre Arbitraje.

6. A Consellería de Cultura, Educación e Ordenación Universitaria e a Fundación do Fútbol Galego colaborarán para confeccionar un **decálogo de boas prácticas** no fútbol (accesible a persoas con diversidade funcional), que se colocará nas instalacións polideportivas dos diferentes centros docentes da Consellería.

7. A Consellería de Cultura, Educación e Ordenación Universitaria e a Fundación do Fútbol Galego, colaborarán na sensibilización e na difusión de materiais, unidades didácticas e documentos que permitan fomentar a inclusión e os valores nas prácticas do deporte.

8. A Consellería de Cultura, Educación e Ordenación Universitaria facilitará a colaboración da Fundación do Fútbol Galego, cos centros docentes dependentes da Consellería de Cultura, Educación e Ordenación Universitaria no ámbito da actividade física, o deporte e na promoción de estilos de vida saudables.

Cuarta. Relacións laborais

A subscripción deste convenio non implica relación laboral contractual ou de calquera outro tipo entre o persoal da Fundación do Fútbol Galego, e a Xunta de Galicia, de tal modo que non se lle poderá esixir ningunha responsabilidade, nin directa, nin indirecta, nin subsidiaria, polos actos ou feitos ocorridos durante a execución das actuacións e/ou a vixencia deste protocolo de colaboración.

O persoal da Fundación do Fútbol Galego, deberá ter cumprida a obriga imposta polo artigo 13.5 da Lei orgánica 1/1996, do 15 de xaneiro, de protección





**XUNTA
DE GALICIA**



**FUNDACIÓN
DO FÚTBOL GALEGO**

(LOPXM), introducido pola Lei 26/2015, do 28 de xullo, de modificación do sistema de protección á infancia e á adolescencia.

Quinta. Comisión de seguimento

1. Para a coordinación e desenvolvemento deste protocolo constituirase unha comisión mixta, formada por seis persoas. Cada unha das partes designará tres, correspondendo a presidencia e a secretaría da comisión ás persoas representantes da Consellería de Cultura, Educación e Ordenación Universitaria.
2. A comisión reunirase, con carácter ordinario, unha vez cada curso escolar. A reunión terá lugar no primeiro trimestre do curso, logo da convocatoria realizada pola presidencia da comisión.
3. Correspóndenlle á comisión mixta as seguintes atribucións:
 - a) Velar polo adecuado desenvolvemento do protocolo de colaboración e resolver calquera dúbida que se xere respecto del, sen prexuízo do establecido na lexislación correspondente.
 - b) Analizar o funcionamento desta colaboración e realizar, de ser o caso, propostas de mellora.
 - c) Elaborar un informe anual sobre o funcionamento do protocolo de colaboración.
 - d) Propoñer a ampliación de novas liñas de colaboración.

Sexta. Interpretación do convenio

As dúbidas que puidesen xurdir en relación coa interpretación das cláusulas deste protocolo, que ten carácter administrativo, serán resoltas pola comisión mixta. En caso de discrepancias, a súa interpretación, cumprimento e execución corresponderá aos tribunais contencioso-administrativos, tras o esgotamento da vía administrativa.

Sétima. Protección de datos e confidencialidade

1. Ambas as partes comprométense a cumprir as obrigas que se derivan da Lei orgánica 15/1999, do 13 de decembro, de protección de datos de carácter persoal, e demais normativa en vigor.
2. No caso de que durante o desenvolvemento deste protocolo se puxese de manifesto a necesidade de proceder entre os asinantes a unha cesión ou comunicación de datos de carácter persoal incluídos nos seus respectivos ficheiros, farase de acordo co previsto no Real Decreto 1720/2007, do 21 de decembro, polo que se aproba o Regulamento de desenvolvemento da Lei orgánica 15/1999, de 13 do decembro, de protección de datos de carácter persoal, así como na propia Lei 15/1999.



**REAL FEDERACIÓN
GALEGA DE FÚTBOL**

Delegación de Santiago

CIF: G15055890
www.futgal.es



**XUNTA
DE GALICIA**



**FUNDACIÓN
DO FÚTBOL GALEGO**

Oitava. Transparencia

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do protocolo de colaboración se publique no Portal de Transparencia e Goberno Aberto da Xunta de Galicia, incluíndo os datos identificativos das persoas asinantes.

Novena. Vixencia

Este protocolo de colaboración entrará en vigor o día seguinte ao da súa sinatura e terá duración ata o remate do curso académico 2017/18, sendo prorrogado automaticamente por cursos académicos sucesivos, salvo denuncia expresa dunha das partes asinantes e cunha notificación á outra de dous meses de antelación.

Lido o protocolo de colaboración no lugar e data indicados no encabezamento, atópano conforme, polo que o asinan en triplicado exemplar.

**POLA CONSELLERÍA DE CULTURA,
EDUCACIÓN E ORDENACIÓN
UNIVERSITARIA,
O CONSELLEIRO,**

Román Rodríguez González

**POLA FUNDACIÓN DO FÚTBOL
GALEGO,**

O PRESIDENTE,

Rafael Louzán Abal

